


北京主教林 准


耶穌聖心聖月

天主降生後一千九百二十六年丙寅




耶穌聖心聖月序


教中信友。我今告知爾等。一無窮無盡之寶藏。從其中。可得救靈升天之各般聖寵。無不現成容易。此寶藏非他。即耶穌基利斯督之聖心也。今將此聖心明示於爾等之前。俾爾等欽崇愛慕之。默思效法之。耶穌天主也。無所不能。亦真人也。極愛我輩。為愛我等。降世成人。具有靈魂肉身。同有我等之心情。其在世也。甘為貧賤之人。受憂苦。受凌辱。受鞭打。茨冠被釘。十字架上死。以贖我等之罪。而其聖心之愛情。猶以




爲未足。又給我等。留一極愛之憑據。立聖體聖事。以
養我等之靈魂。懸藏於麴酒形內。晝夜與我等相偕。
然而在此聖事之內。每日又受罪人之忽畧冷淡。冒
領冒食。輕侮作踐之凌辱。豈不更傷其聖心哉。我等
宜趨赴此被刺被辱之聖心臺前。欽崇之。愛慕之。以
我等之叩拜讚揚。賠補其所受之辱。奉獻我輩之心。
以慰其憂苦。雖我等之心。滿被罪惡之賊污。盡是罪
惡之傷痕。仍獻於彼。求爲洗去其污療治其傷。只要
我等勿再梗頑。不聽耶穌之訓。定志痛改前非。向之




哀懇曰。吾主。憐憫我禍患之靈魂。則慈善耶穌必然俯聽也。我等更以熱切心情。每日虔行默想。以善過此聖月。每日獻我等之靈魂。求主降福祝聖。不拘行何本分之際。謹記默想中。所定善志。時以虔切熱愛之短誦舉心向主。凡此諸端。又皆偕同聖母瑪利亞。至聖至潔之心。以行之。求聖母引導我等之心情。歸向耶穌。獻我等之事。功於耶穌。因聖母聖心之愛慕耶穌。悅樂耶穌。總超一切神聖之愛慕。悅樂。我等賴其轉達相通之力。庶可樂耶穌之心也。願望耶穌聖







耶穌聖心聖月目錄	
奉獻於耶穌聖心誦	見一張
論敬禮耶穌聖心聖月之來歷	見二張
獻已於耶穌聖心誦	
第一日論熱心敬愛耶穌聖心之來由	見四張
第二日論耶穌所許恭敬聖心者極厚之恩寵	見八張
第三日論敬禮聖心之首效即是愛主	見十張
第四日論敬禮耶穌聖心之着落終向及與恭敬聖體	
之異同	見十三張



第五日論耶穌聖心之尊貴奧妙	見十六張
第六日仍論前題	見二十一張
第八日論耶穌聖心愛人之切	見二十四張
第九日論耶穌聖心極願結合於人心	見二十七張
第十日論耶穌聖心之富	見三十張
第十一日論耶穌聖心之痛苦	見三十三張
第十二日論耶穌聖心之傷	見三十六張
第十三日論耶穌聖心切望之事	見三十九張
第十四日論耶穌聖心所求於人者何事	見四十二張



- | | |
|---------------------------|-------|
| 第二十三日論恭敬聖心宜行之工 | 見六十五張 |
| 第二十二日論耶穌聖心之怨嘆 | 見六十二張 |
| 第二十一日論人心之薄情 | 見六十張 |
| 第二十日論熱愛聖心者俱樂部想耶穌苦難 | 見五十七張 |
| 第十九日仍論耶穌聖心山園憂苦 | 見五十五張 |
| 第十八日論耶穌聖心在山園憂悶至死 | 見五十二張 |
| 第十七日論人靈不拘處何境遇耶穌聖心恒乃良方見五十張 | 見四十七張 |
| 第十六日論如何入居耶穌聖心之內 | 見四十五張 |
| 第十五日論耶穌聖心廣招眾人 | |



第三十日論欲得敬愛聖心之熱心第三法是朝

見八十張

勤領聖體

第二十九日論欲得敬愛聖心之熱心第二法是

見七十八張

法是善求

第二十八日論欲得敬愛耶穌聖心之熱心第一

見七十五張

法是以除恭敬聖心之阻

第二十七日論何者阻人不得恭敬聖心之大益


見七十二張

第二十六日論耶穌聖心像


見七十張


第二十四日論諸聖人之熱愛耶穌聖心

見六十八張




耶穌聖心聖月	目錄	五
耶穌聖心聖月目錄	終	
聖心之善工	見九十張	
第三十三日論耶穌聖心極願人熱切傳播敬愛	見八十八張	
聖類思公撒各		
是熱切恭敬大聖若瑟聖史若望與		
第三十二日論欲得熱切敬愛耶穌聖心第五法	見八十六張	
心恭敬聖母無玷聖心		
第三十一日論欲得敬愛耶穌聖心第四法是熱	見八十三張	
拜聖體		





孟亞。


因爾功德。賴爾保護。賜得同升天國。偕爾永享榮福。
之母。求爾慨發仁慈。轉達於爾聖子耶穌。納我所獻。
至聖耶穌之母。童貞瑪利亞之聖心。爾亦我等慈悲
下。懇祈救世恩主。勿拒我求。俯聽允諾。 亞孟。




而立。其終向。是為恭敬吾主耶穌。在世之三十三年。
 全為救人靈魂。光榮天主聖父而用。故聖月之天數。
 亦係三十三天。遵行之法如左。每日先以熱切之情。
 恭念獻已於耶穌聖心誦。然後加一存想之端。即以
 其端作默想題目。默想完。一。念熱心短誦。此誦。一日
 之中。亦可屢次呼誦。二。謹記宜行之德。此德俱對本
 題之意。三。呼求耶穌聖母二聖心三次。一年之中。不
 拘何時。皆能照此規式。或私行。或與眾公行。各隨其
 熱心之所好。然更合式之時。是西曆六月。因聖體瞻

耶穌聖心聖月

三




禮大率逢於此月。而耶穌聖心瞻禮。則恒在此月也。
熱心教友。在此月中。必能得最妙之法。以前進於諸
德。而更前進於熱愛天主也。人皆知通功誦禱。在天
主台前。比私自祈禱。更有能力。故多行公同誦禱。我
亦勸爾等。勉力公同作此功課。比如與同志之人。闡
分此月之天數。每逢本人所分之日。當隨意選擇兩
三樣德行之事。勉力實踐於行。且想自己。此日之本
分。是將衆心應獻於耶穌聖心之敬愛。吾當一概代
行也。




表記。吁。耶穌。願我一切諸有。盡彰我愛爾聖心之愛。
今亦敬備我心。願為主受一切艱難。
吁。瑪利亞聖心。除耶穌聖心之外。爾乃極可愛。極慈
悲者。求爾將我所獻。及我微愛。並我所定善志。轉獻
於爾聖子耶穌之聖心。彼將愍憐我。救我於苦患
之中。耶穌之母瑪利亞。求爾今時作我恩保。後世在
天。永為我之元后。 亞孟。

第一日論熱心敬愛耶穌聖心之來由


這敬愛耶穌聖心。是同聖教會一齊併興的。因耶穌




在十字架上被鐵鎗刺透聖心。就是爲信衆開了一個避難安居之所。聖教初興之教友。及致命諸聖。以堅信切愛。親主聖傷。遂能戰勝酷刑。視死如歸。想其親主聖肋之傷。默想主苦。能不念及耶穌聖心。及其無限之聖愛乎。而聖愛之火。即由聖傷孔中射出。以熱彼等之心。此皆必然之情也。及至後來。歷代有大德之聖。如聖奧斯定。聖伯納多。聖文都辣。聖女熱爾都德。聖女默弟爾德。聖女加大利納。瑟納等。早已明知敬愛聖心之妙矣。但是公然敬禮耶穌聖心之工。




却在降生後。一千六百餘年間。始見於世。吾主創此
熱心之工。以顯其仁慈。所用之人。乃沙羅那顯病會
中之修女。聖瑪爾加理大瑪利亞也。吾主顯於其前
曰。我心滿貯愛人之火。已不能容受其炎熱。當設法
分傳於世人。使人得我心中所存之寶藏。以富其靈。
我心所存之寶。皆救拔罪人脫離罪惡。及成聖緊要
之聖寵也。
後來不久。耶穌又顯現此聖女。更加詳明。示其聖意。
聖女自述曰。聖體瞻禮後八日內。一日。余朝拜聖體



時。覺得受吾主格外寵愛。心情感發。切望以愛還其
聖愛。吾主曰。爾欲以愛還愛。莫善於將我屢次命爾
之事。竭力遵行也。因遂露其聖心。示我曰。此即我愛
人至極之心也。爲愛人之故。萬苦不辭。至於流盡聖
血。喪已生命。然而多人。不但不感我恩。反於我聖體
聖事中。辱我。慢我。冒領我之聖體。或冷心去領。然我
更難忍受者。是獻心於我之人。亦如此辱慢我也。故
我願爾於每年聖體瞻禮後之第九日。瞻禮六。做我
聖心瞻禮。以補償我聖心所受之凌辱。此日當妥領




聖體。以補我在聖體臺上。所受之侮慢。我誓許於爾。
凡如此敬我聖心及勸人敬我聖心者。我必將聖心
之愛火。充滿其人也。彼時聖女謙遜答曰。吾主。爾與
誰言也。主豈不知。我乃卑賤大罪人乎。豈不知我之
卑賤。不足當主任用。反有礙於主之聖意乎。現有許
多才德愛主之士。主簡用之。以成聖意可也。主曰。爾
豈不知。我慣用微弱之人。以羞愧世俗之才能者乎。
我慣用微小愚蒙者。顯我德能。令其不得絲毫歸功
於已。爾豈不知此意乎。聖女遂答曰。既如此。求主即



後之瞻禮六。將已獻於耶穌聖心。以盡敬禮愛慕之本分。於是此敬禮聖心之工。雖經多人毀謗議論。而竟創立於世。且傳佈甚速。迨經教宗明准之後。尤顯其傳之神速。瑪爾加理大。預先曾云。我知立此神功。衆必羣起而攻之。然吾主耶穌親口許我以必成。我固知其必成也。聖女之言於茲驗矣。

宜行之德。一勸已所屬之人。每逢聖體瞻禮後第九日。瞻禮六。恭敬耶穌聖心。二勸其此日。妥領聖體。三勸其此日。作一賠補之行。以補各處輕慢聖體。冒




犯聖體之諸罪。
 熱心短誦。懇求耶穌聖心。賜我聞爾聖德之馨香。
 緊隨於爾後。歌詠經書


耶穌聖心。矜憐我等。聖母無玷聖心。為我等祈。

每日默存畢。照此式呼求耶穌聖母二聖心三次。○有許多
 人自言念此短誦。大獲修德之進益。及恆心奉事天主之恩。

第二日。論耶穌所許恭敬聖心者。極厚之恩寵。
 為感發人心。舉行聖月之工。最好之法。是想耶穌所
 許於熱切敬愛聖心者之殊恩。耶穌明示於聖瑪爾
 加理大云。我告訴你。莫將我所預備之恩。留為爾一




已之用。須知此恩亦是爲衆人而設。我用爾心如流水之溝渠。隨我之意。分流於衆也。耶穌又使他知。乃因愛人至極。始大開聖心之帑藏。啟示敬愛聖心之工。爲化極頑極硬之心。使之愛主。爲變冷淡懈怠之心。使歸熱切。故語聖女曰。汝當處處宣傳。醇醇啟誘。囑咐世俗之人。行此神工。如一穩準之法。以得愛主之愛。囑神品修會之人行之。如一極效驗之良方。以獲本地位齊全之德。囑一切奉教人行之。如一極穩極妥之功課。以克勝極猛之慾情。以和睦極仇極怨。




之室家。以除年深日久之惡習。以發誠切愛我之熱火。且不必多時。易修極高之純全也。請問尙有何者。更勝於耶穌親口所許之異寵。能感發我等。熱切敬禮聖心乎。耶穌又曰。凡專務救人靈魂者。果能熱切敬愛我心。必得妙法。感動極頑極硬之人心。所謀畫救人靈魂之事。必顯出奇妙之效驗也。

鐸德各隆陞。首覺此效。凡有求其指引修德之法者。即以此法囑咐之。從前嘗勸異教之人。用盡諸法。不見功效。後以此法無不回心向化。至各隆陞。亦驚其




效之神。有從前譏笑此工。而不屑爲者。後偶遵行一
二。即趣全心向主之意。有以此神功。得蒙豐厚之奇
恩。大進於修德之路者。諸如此類。難以盡述。
近世一大有名望之人。曾曰。幾時我想耶穌聖心。則
一切事物。不能令我驚懼。倚靠聖心。我等即無所不
能。雖處繁華塵俗之中。能不染塵俗之習氣。能守神
貧。而度熱愛之神生。耶穌聖心。恒於聖父前。懇切轉
求。賜我愛主之聖望。將要陷落於罪。耶穌聖心相助
即能不致陷落。不知不覺之中。即將我等心中。相反



天主光榮之事。代為滅除。遇難勝之阻當。片刻前尚
覺戰驚畏懼。不能勇決。聖心來助。即能勇往直前。耶
穌聖心。又給我等說破世俗之偽論。發露其奸詐。而
去其誘惑之力。是一切諸善。無不自耶穌聖心而來。
則於諸事之上。求其聖心作我等之萬有可也。今將
我等神形諸有。盡獻於聖心。不使一物。不經聖心烈
火焚化。直至將我煉淨之後。提出於世。永遠置於愛
火之中。亞孟。

宜行之德。此聖月內。不令一主日。空空放過。




務要談論耶穌聖心。及宣揚吾主所許於敬愛聖心者。無窮之寶藏。


熱心短誦。吁。耶穌聖心。賜我愛爾之愛。我即富厚無比矣。聖依納爵

第三日論敬禮聖心之首效。即是愛主。


吾主耶穌新定之律。一言可以盡之。總歸於愛而已。此即吾主耶穌所稱自己之律。其言曰。所命於爾惟相愛耳。其意若曰。吾最大惟一之誠。即是命爾愛我。並命爾彼此相愛。如我愛爾也。爾遵此誠。人即知爾。



是我之徒。聖保祿宗徒云能愛者，即全守主誠矣。
吁。耶穌爾既命我愛爾。又許爾亦愛我。我將何以報
此恩乎。
吾人勉力盡本分勞苦戰攻。無非為得獨一之至寶。
即愛主也。若現有最甘飴。最容易穩妥之法。可以得
此至寶。豈非極可珍重之法乎。然而此法。人人皆有。
隨手可用。即是熱心恭敬耶穌聖心也。前已說過。愛
主之愛。非他人所許。乃耶穌親口所許者。主曾向瑪
爾加理大曰。我今許於爾。凡敬我聖心。與勸人敬我




聖心者我即將我聖心之愛火。充滿於其人也。又曰。
敬禮我聖心之工。能勤極頑極硬之心。使之愛主。使
冷淡懈怠之心。歸於熱切瑪爾加理大。致書於友曰。
任彼仇魔。百計阻撓。吾主必將爲王於我等心中。因
敬禮聖心之工。第一終向。是爲感化人靈。回心愛主
也。欲明敬禮聖心之工。實有此效。亦非難事。因此神
功所發顯者。無非聖愛也。其所敬者。耶穌充滿聖愛
之聖心也。其終向。乃賠補其聖愛所受之侮辱也。其
所力行。皆習練聖愛之功也。全令人默存者。皆能生




發聖愛之端。如記念感謝耶穌所施之諸恩。更感念其聖體聖事內所施之恩愛。是也。


凡憐憫吾主耶穌在聖體櫃中孤獨無人往見。及受教友前慢冷落其聖愛之苦。而朝拜聖體。陪侍耶穌。或神領聖體迎之於心。或每日多次在聖臺前。虔恭熱愛。俯身叩拜。以補耶穌所受之侮辱者。則耶穌之慷慨好施。必以無數奇恩。施於其人。耶穌決不薄情。必以愛還其愛。而且超過百倍。此係耶穌親許。且又誓不食言也。主曰。愛子者。子父亦愛之。我亦愛而顯




現於彼焉。
夫世人相許。若有誓不失信之言。則人信之矣。今吾
主誓不失信。誰還疑其言之不真耶。噫。今而後。我等
宜滿心倚望。同竭若望宗徒。三復斯言曰。我將生活
於耶穌。基利斯督之信。彼曾以愛許我矣。近世又賜
其聖心於我。以爲憑據矣。
聖女日爾都德行實記云。一日。聖女蒙墨若望宗徒
顯現。聖女問其晚餐時。曾倒憩於主懷。何不將主聖
心之妙。載之於書。以訓世人乎。宗徒答曰。彼時聖教




初與。我惟記載聖父無始物爾朋之聖言。以訓世。至
 其聖心之甘飴。天主留爲衰敗之世。用燃將熄之愛
 火也。宗徒與聖女所預言之時。我等正逢之矣。大半
 教友心中之愛火。皆已將滅矣。然而敬禮聖心之熱
 心。廣傳四外。將又燃其愛火。我等何不堅倚切望哉。
 宜行之德。善望彌撒耶穌聖心。極願吾人識之
 愛之。願人以倚望之心投奔之。尤願以彌撒大祭。投
 奔於彼。今欲令爾熱心愈熾。當思一切天朝諸聖之
 功。全聚於一處。亦不若一臺彌撒之光榮天主。再思。




望一臺彌撒。所得聖寵之實效。遠勝爾一生。誦念別
樣經文之益也。多有人望彌撒時。不知何所作爲。若
能用心默想耶穌苦難。及其聖心之憂痛。何等之德。
不能修。何等愛主之情。不油然而發乎。
熱心短誦。吁。耶穌聖心。誰能使我不愛爾乎。聖保祿。
第四日。論敬禮耶穌聖心之着落終向。及與恭
敬聖體之異同。
熱愛耶穌聖心乃敬德之行事也。所敬者。即是耶穌
至可欽崇。至愛人。而却被人辱慢之聖心也。從此可



知敬愛聖心非只欽敬其聖身內。與吾人相同之肉
心。尤欽敬其愛人。無限之愛情也。但吾人於一切敬
禮之功。必賴有形之物以啟其念。方可易行其工。故
吾主耶穌。以其有形之心。賜於吾人。使易記念其聖
愛。夫人一身之體。心為愛德之府。凡矜憐憫恤之情。
皆由心發。吾主亦有此心。我等既當盡心恭敬耶穌
聖體寶血。豈不更當欽崇其聖心乎。論敬禮聖心。第
一終向是盡我所能。用朝叩。愛慕。感謝。奉獻。以敬其
愛人無限之聖愛。而更致敬於可欽崇之聖體聖事。




因耶穌於此聖事。顯其愛人之心。而此愛人之聖心。少
有知之者。即有知之者。亦少能盡心愛慕也。
第二終向。是用盡各法。以補耶穌在世時。爲愛吾人
所受之凌辱。及每日在聖體中。所受之侮慢。故此項
熱心所敬者。即是耶穌大發愛火。以愛人之聖心。其
終向。即是補償耶穌聖愛。所受之侮慢。其益處。即是
能得愛主之熱愛。及無數之奇恩也。
論敬主聖體。與敬主聖心。稍有分別。恭敬聖心。乃專
敬耶穌之心。而不論及其聖體。恭敬聖體。乃統敬其




之在聖體中。實係無價之至寶。若我等不獲其益。非因他故。乃不善用之之故耳。吾主曾顯於聖女默第而德。命其盡心竭力。於聖體聖事內。切愛聖心。又將己心。送與聖女。爲己聖愛之表記。爲聖女生時死候。避難之安居。自此以後。聖女即生一格外之熱切。以愛耶穌聖心。是以得受無數奇恩。故聖女嘗云。我若盡載所受於耶穌。至可愛聖心之恩。必須成一大部書也。

宜行之德。每日獻已行實於天主。此不但是熱心




之事亦乃分所當爲之事也。天主主人於世。原爲恭敬天主。故我等當盡忠於此。然欲令所行有功。更能悅主。必須同耶穌之聖心奉獻。方比如照此式而獻曰。吾主天主。我將所行。相合於耶穌聖心之功。與童貞聖母。及諸聖人之功。並合今時後世一切之善。盡獻於爾。以補償今時後世一切之罪惡。或用耶穌親示聖女馱第而德之式。曰。我可愛之耶穌。我將今晨初醒之第一喘息。先獻與爾。求爾收納我之諸行。用爾甘飴聖心之火。焚煉清潔。相合於爾無浪功勞。



以獻於爾之聖父。以爲頌揚於無窮。
熱心短誦。雀有穴。鴿有巢。以居其雛。吁耶穌爾之
聖心。即我之安居也。


第五日。論耶穌聖心之尊貴奧妙。

勞阮曰。我細體驗耶穌聖心之異。實足令人識其奧
妙尊貴焉。蓋耶穌聖心。所具之靈魂。乃極全極美者。
乃天主全能寶藏中。最奇最妙之工。再無出其上者。
當耶穌聖靈與其聖心初合之時。即將一切聖寵榮
光全帶入其中。故聖心之動用。皆極大方慷慨。聖心




之所趨向皆極尊高。聖心之資稟極英明仁聖。合萬衆之心。難比其聖善之絲毫。再無他心。可比耶穌聖心。愛我等之切。或如此矜憫我等之疾苦。如此深謀遠慮。以求我等之益憂我等之憂。樂我等之樂也。耶斯博曰。雖普世之人心。皆拒絕爾。爾亦勿憂。因耶穌之聖心。恒忠信而恒開也。


吁。吾主耶穌。果是如此。雖吾靈之仇。列陣圍攻。我避於爾聖心中。我即毫無所懼。我雖與強仇交戰。賴爾聖心。我必大獲全勝。我雖一足已入地獄之門。我仍



不失倚望於爾聖心也。
耶穌聖心之聖。與天主聖性之聖相同。是以聖心中。
一切動情哀嘆。一切之祈求。願望。作為。皆隨耶穌天
主位之尊。而有無窮之價值尊貴。則格外敬體聖心。
乃義所當為。因乃敬其天主聖位故也。
救贖世人之經營謀畫。既出自耶穌聖心。又成於聖
心愛人之熱愛。則吾主為救我等。聖身百骸所受之
苦。皆可歸功於聖心也。耶穌聖目。泣練匝祿於墳。又
泣將滅亡之日路撒冷。藉以哭我等靈魂。及患世之



之聖心已示於我矣。他聖之心較此聖心。直同空虛
缺欠。現今眞眞寓於聖體聖事之內。其聖心之一動
一息。無非求爲我等之利益福樂。而我等。尙如此冷
心無情何也。吁。我主耶穌。今而後。我決不如此矣。我
今信爾。敬爾。愛爾。更求加增我之信愛焉。
聖女嘉辣。無一日不朝拜耶穌聖心。格外加工。盡其
虔愛之誠。主欲耐聖女之熱切。凡其敬拜之際即以
極純之淨樂。充滿其神魂。
宜行之德。勉效聖女嘉辣之行。無日不恭敬耶穌




聖心。若爾係聖心會友。每日午前九點鐘。午後四點鐘之功課。務須謹遵勿缺。且念功課經時。勉令心口相應。因耶穌之所欲得。惟爾之心。耶穌之所視。亦惟爾心也。

熱心短誦。 吁。耶穌。我將在爾心中。安然寢歇。聖詠。


第六日。仍論耶穌聖心之尊貴奧妙。

吾主耶穌之聖心。以其廣大。以其威權。以其功績。為衆心之君王。論其廣大。遠勝萬心。而包括萬心於已內。論其威權。能使衆心。聽其安排。能知衆心之隱微。




能隨意轉移之。且聖心之好施。聖心之可愛。聖心之
愛人。實當得起管轄之尊權。因聖心之被傷被刺。無
非爲醫衆心之傷。所流聖血。無非爲洗衆心之罪污
也。其聖傷即其冕旒也。其十字即其權柄也。其管轄
我衆名正義順。若我等不遵其政令。難逃背逆之罪。
因吾人之所有。皆屬於彼。又難免愚痴之誦。因其所
令。皆利於我輩者也。其催促我輩獻已與彼。惟爲令
我輩得福。令我輩成聖也。

今我等速行恭敬聖心。因其尊大無比也。欽崇聖心。



心情行爲皆效耶穌之尊大。是以我衆信友。若爾覺
貪高之念。以其虛樂。誘惑爾心。或以虛榮之光。炫耀
爾目。爾當舉目向天。依聖熱羅尼莫之所云。傾耳細
聽淨友之言曰。將我如印。印於汝心。汝臂也。夫印主
於心。既係耶穌聖心之切望。今即懇求於主。轉移我
等之心。皆向於彼。且求主變化衆心。使聽主請。主令
我輩。投奔於彼。其言曰。爾貪世俗僞樂。而不得以解
渴者。皆來投我聖心。我心爲眞樂之總滙。活水之清
泉。足解汝渴也。貧於聖寵之產者。俱來飲於此心。任




賜爲我物。由我享用。我即將吾救世主耶穌。獻爾可也。


熱心短誦。吁。耶穌聖心。聖愛贖罪之犧牲。求爾息怒。憐我堪憫之罪囚。

第七日。仍論耶穌聖心之尊貴奧妙。

耶穌聖心。乃一祭臺。在此臺上。曾獻過贖世之大祭。爲造物主所極欲享者。我等亦當於此臺上。奉獻一切心愿。因造物主惟此於處。納我獻。聽我求也。凡受造者。所曾獻過之光榮讚頌。祭祀欽崇。與其慕愛之



之傷也。求爾記我微賤受造之物。勿棄爾仁慈之手
工。全能之遺跡。
聖女日爾都德。一日與眾修女。同在聖體台前默想。
見眾修女無不受耶穌之寵。有如從聖心接聖寵者。
有從聖手接者。亦有從釘穿之聖足而接者。各依相
距聖心之遠近。而分受恩之多寡。距心更遠而接者。
僅能得其所求。直向聖心而接者。得滿其所望。速而
且易焉。
經記天主命亞當睡熟。取一肋骨。造成厄娃。以爲之



第八日論耶穌聖心愛人之切。

之人也。靈保祿

熱心短誦。吁耶穌聖心。凡不愛爾者。是皆可棄

魔誘也。


分毫。噫。汝果習行此工。能得無數聖寵。且易退一切

棄絕魔鬼各樣之事。今將我之一生。全獻於爾。不遺


罣願。曰。吁。耶穌聖心。我棄絕魔鬼各樣虛假光榮。我

作一最樂聖心之事。即是每日初醒。復新爾領洗之

因聖心之功。始蒙天主。賜以聖洗之神生也。汝能今




耶蘇既具諸德諸美。至尊至貴。而又極愛吾人。超於
分外。其言曰。子之樂。在與人交遊也。其良善可愛。致
其兇狠之仇。亦驚訝嘆服。主仇曾送一失節之婦。至
吾主前。令判其罪。吾主不忍判斷。且隱示其情。使控
訟之人。懷羞而退。其與罪人周旋。不忍拒絕。不嫌與
征稅之吏。同席飲食。致令仇者。呼爲罪人之朋侶。再
看投奔耶蘇足下之瑪大肋納。乃有名罪婦。因其一
旦回心愛主。主即赦其一生肆淫惡表之罪。吁。瑪大
肋納。爾得進見聖善之師。非爾開其端也。當爾未伏




於聖足之下。濯之以淚。拭之以髮。耶穌早已叩爾心門。候爾多時矣。其赦爾之多罪。雖曰。因爾多愛之故。實因主多愛爾也。


吾主之愛。更及於無知之孩提。夫孩提之幼。尚不知主爲誰。不知感主之慈愛。而主之良善。已招之追隨。圍繞矣。門徒呵叱衆孩。主曰。勿阻也。任孩近我。遂懷抱之。撫摩之。降福之。不以爲嫌也。經曰。母雖忘其穉子。我必不能忘也。誠哉斯言。再觀喻言所說。敗子回頭。俯伏於父足下。自認不堪爲子。其父如何收納之。




一知敗子悔過。速往迎之。抱頭相哭。只因一悔之故。即復其家產。復其父心之恩寵。蓋耶穌以之自喻也。再思耶穌疲乏於道路。坐於古井之旁。以俟來汲之罪婦。然實吾主聖心。暗中催促。使來汲。取有形之水。爲賜以常生之活水。主先啟發婦心之神渴。而婦尙不知也。耶穌不嫌以辣匝祿爲友。於其死後。則痛泣流涕於墓前。致令如德義之輩。咸驚訝曰。其愛辣匝祿。竟至斯也。主預見日路撒冷。因罪惡貫盈。將受圍攻滅亡之患。涕泗交流。而哀之曰。日路撒冷。日路撒




冷。我屢欲召覆爾，若雞覆其雛。而汝固執背逆。竟不欲也。
其待宗徒等之忍耐良善。更難以言傳。茹達斯負之賣之。尚稱之爲友。晚餐時。與衆徒叙別。不啻千言萬語。昭其愛情。皆陞之爲友。曰。吾已不呼爾輩爲僕。乃呼爾輩爲友也。伯多祿三番背棄。主仍不怨不尤。惟以慈目回視令之。慘悔苦泣。總而言之。吾主一生之所著。無非慈愛吾人。雖爲我輩汗流困憊。不遑眠食。心猶不足。彼曾云。善牧者爲羊失命。彼眞爲羊失命。



宜行之德。遇憂苦患難。速投奔於耶穌聖心。一日聖女日爾都德。將憂苦訴於吾主。吾主命其倒於聖心。曰。此係爾避難之所。當於此處。游優靜息也。爾何時遠離此處。則苦心之事。必將及汝。然正如苦口之藥。令爾知。惟我乃無所不能。獨一無二之安慰也。今我輩當效此表。凡遇憂疑煩苦。及一切艱窘患難。即投奔聖心。如投慈父。如投密友。求其作我等之光照。作我等之倚靠安慰。更不於聖心之外。別求幫助安慰也。




熱心短誦。我已得吾主耶穌。吾君吾王。吾昆吾友。
甘飴慈善之心矣。上天下地。吾復何求哉。聖伯爾納多。
第九日。論耶穌聖心。極願結合於人心。
火之炎雖烈。石之墜雖猛。江河之流雖急。未若耶穌
聖心。欲結合人靈之急切也。人能去其罪過。不阻耶
穌聖愛之效。則更莫能形容矣。吾主默示聖女加大
理納云。我因愛人之故。雖怒罪人。亦不斷愛之。而求
合於彼。且時時。啟發其本性好合之情。以成此好也。
夫我當未生之先。吾主聖心一息一動。已無非為救




令其日日加增愛我之愛也。且人心之動。原不問於視聽言動諸司之作爲。我亦如此。雖掌管天地萬物。不能片刻或減或緩。我聖心中之動也。

噫。吾主爾曾有言。汝寶何在。汝心同在。主既無時不想念我輩。可知我輩爲爾之寶矣。吁。無言可言。聖愛之天主。識爾者。何其少耶。爾既無一人不愛。何爲衆人俱不識爾耶。何爲普世萬彙。不俱揚爾讚爾。使知愚賢否。皆歸向爾耶。


噫。吾主爾既如此切望吾心之愛。急求結我心情。故



遠味聖王。稱爾爲我等人心之天主。此不足怪。我獨怪人心。反辭爾避爾。不肯決意自獻於爾。嗟乎。吾主天主。爾之聖心。如此尊大。如此聖善。如此純全。竟肯愛我。且命我愛爾。噫。以爾之尊美可愛。若不得愛時。尙當懇切跪求。容我愛爾。今乃冷心不愛。豈不愚哉。我有何德。至令爾舉揚我。到愛爾之榮位。至令爾願結合於我心。且至令爾時時想念我乎。我之身軀。不過一撮塵灰。我之神魂。不過埋沒爾恩之墳墓。我之心思。明悟記念。不過頑梗無情之木石。不過忘恩背




德之暗冥而已。爾何所愛於我乎。又何能愛我。且許
我愛爾乎。
造物之主。如此愛其所造之人。至於無可名言。不但
令天神聖人驚異。亦且爲邪魔之所大忌也。蘇理諾
述。一魔爲聖教經言所迫。自認曰。我徧遊普地。見人
間之大事。如軍機戰畧。籌畫經猷。名邦大國之政治。
高樓廣廈之富麗。百般技藝之奇巧。文人博士之學
問文章。不一而足。我俱鄙之笑之。不啻如蚊陣蟻穴。
我獨一之急務。卽是阻擋天主愛人之愛。寧捨一切



瑪爾加理大傳中記。天神偕聖女。時時光榮。愛慕讚
 頌。聖心。聖
 宜行之德。懇求天神助爾讚揚愛慕耶穌聖心。聖

其願也。
 如此貪想不足。正為使爾向彼得彼。以充其量。以稱
 人。當全心愛主。天主造爾心如此大。如此深情厚意。
 當把心全獻於天主。以苦仇魔之心。噫。天主所愛之
 天主既如此願得爾心。魔鬼既如是妬恨此事。爾即
 能阻得一靈。不合於天主。即我之大樂也。
 異端之大邦。而入教民之處。以擾亂定志事主者。但




頌。耶穌之聖心。故爾當祈求天神。更求爾之護守天神。求其以己之熱愛。以己與吾主聖心不斷之締結。補償爾心之冷淡。助爾祈求之不足也。凡與他人應酌交接之際。亦當暗求其護守天神。默禱其人。熱心恭敬耶穌之聖心。


熱心短誦。吁。耶穌聖心。我今仰望投奔於爾。如渴鹿之奔清泉也。聖詠

第十日。論耶穌聖心之富。

聖瑪爾加理大曰。吾主曾默示我。因其切望世人。全




聖心欲輕爾任。曰。凡受憂苦。負重任者。皆來我前。我將輕爾任。慰爾憂。此言特爲我等而發也。
聖達彌益云。於可欽崇之聖心中。吾能取兵刃。以自護圍。可覓良方。以療諸疾。可獲助佑。以勝強仇。可蒙極甘飴之安慰。以輕吾苦。可得極淨之歡娛。以滿我心之樂也。凡內患侵爾。外仇攻爾。舊罪之罰嚇爾。凡覺心中恐懼不寧。或被私欲擾亂之時。爾即速奔聖臺之下。投爾於耶穌之懷。且藏入聖心之中。此乃避難穩安之處。此乃善靈安歇之所。無憂無懼之樂鄉。




天富之府庫也。聖多瑪斯述有名畫工繪童女二人於苦像架旁。接取聖傷所流聖血。一則謹慎收藏。一則傾之於地。一乃頭戴珠寶嵌鑲之榮冠。一乃墮其寶冠一者欣然光彩。一者感然而暗。先一女乃善靈之像也。以默想之功。從吾主聖心得承歡樂。而接受光耀之冕。後一女乃罪人靈魂之像也。因其罪犯之故。失却三樣無價之至寶。即聖寵之光明。淨心之安樂。身後之榮賞也。

聖伯爾納多歡呼曰。吁。至甘飴之耶穌。爾聖心中所



舍之寶藏。何其多也。我若欲富。甚爲容易。在爾聖體
聖事之內。我就能全得此無窮之珍寶。只緣我不善
取用之故。致失如許之富。吾主親口許過。凡仗其聖
心求恩者。所受必多於所求也。故凡以活潑熱切之
信德。敬禮聖心者。從前屢求而未得者。用此法。即得
其所求之效焉。

聖女日爾都德。一日望彌撒時。聞聖經之言曰。我將
以此地賜爾及後世子孫。其時見耶穌。以手指心。示
聖女曰。爾知予所言之地。爲何地乎。聖女明此聖愛




也。然可歎有許多教友。且無論愛人。即於耶穌親身。尚皆怠忽冷淡。使耶穌在聖體聖事內。真成一貧窮之人矣。故又當留心。使聖堂近主聖體之祭器祭服。皆整齊明潔。各盡己力。或洒掃聖堂。或刺繡漿洗。聖堂中之祭服巾帳等類。可也。

熱心短誦。吁。耶穌聖心我何愛爾之晚也。聖奧斯定


等十一日。論耶穌聖心之痛苦。

最先深刺吾主聖心者。並非鐵鎗。蓋吾主降生之初。已被聖愛之利刃。刺透其心矣。此係吾主第一大傷。




欲自掩而不能者也。歌詠經書曰。吾妹配兮。爾傷我心矣。耶穌聖心又為矜憐我苦之利刃所傷。我有多少疾病患難之苦。聖心即被多少創痛之傷矣。又為痛哭我罪之劍所傷。耶穌聖心。全承任普世人當發之痛悔。亦如後日。聖身全承任其當補贖之苦也。此一十字。比加爾瓦畧山。釘死之十字架。更大更重。以其始於吾主之生。終於吾主之死也。

聖婦安日辣曰。吾主後日將受之苦。於有生之時。即盡現於其明司之內。而苦虐其心矣。吾主不但粗知




其苦之大概亦且縷析分明也。凡其在世三十三年。將受一切憂苦之情景。時時不離其心目。預知將來見棄於本徒。一賣之。一背之。餘皆捨之而逃。已則被縛。被擊掌。頰唾面。被控告。被妄證。被鞭笞。戴茨冠。肩負十字架。赴加爾瓦畧山。被釘被殺而死。死後尚被鐵鎗刺穿聖肋。此等萬苦之景象。吾主平生未嘗一時一刻。不思不見也。只因預知此苦之故。遂使耶穌一生。恒受不可測量之憂苦。從此可知。吾主聖心之痛苦。爲如何慘酷也。




耶穌聖心聖月

試再聽聖女瑪爾加理大之所述。亦可如聽耶穌之親言也。聖女曰。一日堂中明供聖體。我在聖臺前。吾師耶穌。忽現於我。身發大光。其五傷之輝耀。超越日星。見吾主人性之靈身。愛火四外燦飛。而靈胸間。比他處更發光明。其炎熱烈於洪爐。我見其可愛之靈心。爲他處光燄之所從出。時吾主將其聖愛中。不可言傳之妙。啟示於我。使我知其愛人之極。而所得於人者。不過背恩負義。冷淡無情而已。吾主曰。此實我極疼痛。極難忍之苦。遠過於受難時。所受諸苦也。因




我之心情。若得人以愛。還愛。則我爲人已受之苦。已
行之事。俱不足以充我愛人之情。倘能爲人再行更
大之事。再受更大之苦。亦所甘心也。雖我愛情如此。
而人仍以冷心報我之情。冷眼觀我之苦。此我所最
難忍受者也。噫。我等若能恒憶主苦。又何能不忍已
苦耶。我等之苦。比耶穌聖心之苦。暫而且輕。何足算
苦耶。吁。吾主爾僕十字若望。恆想爾苦。爾問之曰。汝
事我殷勤。欲求何賞。若望答曰。不求別賞。惟求爲爾
受苦。爲爾被人輕慢。聖女德肋撒。滿心同此意見曰。



或令我受苦。或令我速死人。果然常記念主苦。則二
聖所求。無足怪也。吁。耶穌。若我荒蕪退怯之心。不能
生發如此慷慨之願。至少也該定志。以後安心承受
爾所賜之苦患也。


宜行之德。吾主耶穌。令聖女瑪爾加理大。將每月
之第一瞻禮六。定為記念其聖心痛苦之日。爾亦當
按汝所能於每月第一瞻禮六。恭領聖體。並念獻己
於耶穌聖心誦。獻此兩襟。以補爾一月中之疎忽怠
慢。若於補爾缺失之外。又代眾教友補其怠慢之罪。




則更樂耶穌之聖心矣。
熱心短誦。吁。耶穌聖心。受盡諸辱者。求爾訓我以
忍耐之德。擔承一切侮慢逆心之事。

第十二日論耶穌聖心之傷。

吾主耶穌諸傷。皆救靈之門。恆開以待世人。而聖心
之傷。乃更高大寬敞之門也。吾主諸傷。皆湧流聖寵
之源泉。而聖心之傷。則更清更甘之泉也。吾主諸傷。
皆為彩色之池。我輩靈魂諸司。入於其中。可使所發
之思言行為。倍增其貴。而聖心一池。更能增其顏色。




之鮮美光明。珍重可貴也。吾主諸傷。皆長生冊上之字跡。以載成聖之學問。而聖心所含之學問。更使我博通精奧也。吾主諸傷。皆避難之所。窮兇極惡之人。亦可入以避災。而聖心之傷。乃更便更穩之處也。吾主聖心之傷。乃善為言辭之舌。密談於衆心之內。宣揚耶穌愛人之愛。又時勸人以愛還愛也。聖伯爾納多曰。吾主可欽崇之聖心。所以被戕者。蓋欲以此有形之傷。明其聖心中。被聖愛之劍。所刺無形之傷也。噫。吾主不惟令其聖身被刺。亦且令其聖




心被戕。尙有何者能更顯其聖愛於我哉。聖女加大利納瑟納。默想時。聞天主曰。爲何吾主旣死之後。猶欲使聖心大開乎。天主答之曰。吾聖子救贖世人之切望。乃無限之望。其聖軀忍痛受刑。尙以爲有限。以有限之刑。不能發明其愛爾無限之愛。故以其心示爾。令爾視其隱密。知其愛爾之切。遠勝於其聖死所能發明者也。

吾人在世。所遇愁苦。每致害於靈魂。故耶穌創一妙法。使我等入居於其聖傷。更欲我等入其聖心之傷。




以得歡樂安慰之根源也。眞福之恩理格。號徐松者。一日忍起大憂。深慮後來不得救己靈魂。忽聞空中有聲安慰曰。爾且起。入居吾傷。汝獨一之眞福。即在此也。聖奧斯定曰。我何時想起吾主之聖死。雖我罪之重多。不能驚嚇我也。因我之罪惡雖重。不能勝我主聖死之功也。


聖文都辣嘆曰。吁。可愛之傷兮。我由爾。已入吾主聖心。聖愛至密之處矣。吾即在此築居矣。在此得享極大安。至於不可言傳矣。吁。嗟。亞當之子孫。何盲瞽。




熱心短誦。吁。耶穌願我心目。恒向望爾聖心之傷。
第十三日。論耶穌聖心。切望之事。
細想耶穌聖心。得知其更熾更猛之切望有四焉。第一。是晚餐時與門徒所說者。曰。予久望與爾等。同食此巴斯卦之羊羔矣。此言之意。令我明知。當以何等熱愛。去赴聖體神筵。而食天上之神糧。又令我知吾人望領之切。遠不及其望賜之切也。蓋聖體聖事。乃吾主一生行跡之總滙。既立之後。吾主喜其畢生之工程告竣矣。立此聖愛奇蹟之後。已別無可行。只俟




爲我人受難受死而已。
吾主又曰。我當受苦死之洗。然我渴望。欲其速成也。
此其第二熾切之望也。大顯其聖心之愛人無饜。夫
此洗非水洗。乃以其所流聖血爲洗也。耶穌聖心。視
十字架如祭臺。以成贖罪救世之大祭。故如此切望
其成。而焦心盼望其至也。
其第三更切之望。是渴欲救人之靈魂。致其心情如
焚如炙。故在萬苦齊攢極痛極苦之際。大聲曰。渴。吁。
耶穌。何者焚爾之心。令爾乾渴若此乎。曰。切望救爾



靈魂望爾獲安。望爾成聖。以享永福。致我如此之渴也。
至於聖心第四切望。更遠勝於他望者。即是光榮聖父也。其切望之言曰。我降來人世。為燃愛主之聖火。我何所望。望此愛火。延燒熾盛而已。此係耶穌聖心之切望。此即眾聖所效之模範。此即焚爍眾心之火也。
諸聖人赴聖體之神筵。無不迫切之至。如聖女加大理納瑟納。每見鐸德手捧聖體。即呼曰。求速賜我性




命神糧。且聖人等。又無不切願受苦。因知係能肖主
之法也。聖安德肋宗徒。望見釘己之十字架。大聲歡
呼曰。好十字架。我常盼望不止。到處尋覓者。今番遇
爾。大滿我心之切望。可欽可敬哉。聖十字架。聖人等
又專以天主光榮。爲己關心之事。忘己而求主榮。其
口中常說者。多是如聖依納爵所常言。爲天主愈大
光榮。至其迫切欲救人靈。甘受諸苦。見有爲救人靈。
宜嘗之苦。宜受之勞。不但毫無退心。且效聖沙勿畧
曰。再求苦些。求再苦些。或如近世一大德之人曰。噫。



天主寶血所贖之靈魂。談笑而入地獄。如狂人之升塔尖。以自隕落。也可不傷哉。故除痛哭我罪之外。此係我第一大苦。至若他苦。皆不足為苦也。


噫。我輩離此慷慨之志。何其遠也。赴聖筵之望。何其微也。於昆弟靈魂。天主光榮。何其漠不關心也。吁。耶穌聖心。爾何愛我之切。我何愛爾之疎也。求爾變化我心。此既係主之所能。求即致成於我。

宜行之德。幫助耶穌救人靈魂。以解其聖心之渴。嗟乎。爾幸滿被聖寵神恩之富。乃同時有億萬之衆。



喪其靈魂。彼眾靈魂。皆耶穌寶血之價所贖者。爾竟漠然不顧。宜乎耶穌之怨爾也。主實待爾之求。以息其怒。如先知代主言曰。我怒欲滅世人。願有人為眾求情以息我怒。而竟無人焉。聞吾主愛情之怨言。爾能不動於心乎。故當恒替可憫之靈魂。懇切轉求。果能如此。則不覺之中。亦使多人回頭矣。吾主默示聖女德肋撒。因其所求之故。化得印度千萬人奉教。即明驗也。


熱心短誦。吁。耶穌聖心之愛。恒燃不熄。求爾恒炙。




我心。聖奧斯定

第十四日論耶穌聖心所求於人者何事。


努隗曰。耶穌將其聖心。全賜於我輩。此係諸恩惠之根。諸寵愛之源。所命我輩以報其恩者。惟一物耳。即我輩之心也。吾主曾問聖女留加德云。汝求何事。聖女答曰。我所求所望者。惟主聖心也。吾主曰。我亦欲得爾之心而已。夫耶穌聖心。為諸富之源。然而恆汲汲。追逼。乞索吾人之心。如急需而不可須臾離者。豈非異事乎。



耶穌聖心。果少急需之物乎。即少急需之物。人心之微賤。果能濟其急乎。我方寸之心內。有何珍貴之物。至令吾主愛而不捨乎。噫。我知之矣。夫心爲獻禮之首要。心在。則所獻之禮。始能悅主。吾主聖心。不看我所獻何物。惟看我以何心奉獻耳。且吾主愛我微賤之心。至切至急。至於吾心之一轉動。一仰聖之微。亦令主無任忻悅。我輩一身所有。再無他物。可比心。更屬於吾主者。因乃吾主戰勝所獲之物也。吾主如善戰之勇帥。惟人心。能阻其獲勝成功。既得人心。則無



他物可敵其銳矣。故吾主以降服人心爲榮。既獲人心。而作其主。則以此心爲其國。爲其天朝也。
聖伯爾納多曰。吾主之獲此天國。非易事也。不同有形之天地。一言而化成。必須殞命損軀。而後得。且耶穌臥於馬槽。以草爲褥。呱呱哀切。所求者何事。欲得一心。以爲玩耍之物耳。後傳教如德亞國。周遊各處。耽盡艱辛。體憊汗流。所覓者何物。欲得人心。而愛之耳。懸於十字架。上。隱於聖體之中。所求者何事。近來又以其心。顯示於人。何所欲乎。欲覓人心而已。奈何。




無人肯獻已心以滿其望也。吾主徧觀普世。徧視人心。億萬之多。各自愛其所好。幾無一心。欲全依附其聖慈。此真可傷也。

救世者吾主耶穌。一日顯於羅婦安日辣曰。凡欲納我於已心者。我不惟不辭。且歡心就之。人求見我。我即忻然見之。人求與我言談。我即與之開心暢叙。因愛我者。最招我愛。若有愛我超於前聖者。則我賜彼之恩寵。亦必超於所載前聖之奇也。夫人不及前聖之愛。無辭可推也。人人皆能愛主。不必才能。不必康




健只要心肯。即可得之也。
吁。耶穌爾雖是天地萬物大主。然又何貧窮孤獨。被
棄之甚耶。多有爲爾設法生財。以濟貧窮者。我今亦
欲爲爾尋得一物。以賜濟爾。即是化導一心以愛爾。
爲爾之安居。吁。嗟。具有心肺之人。耶穌欲得爾心。爾
知之否。夫人心不能不有所歸也。因人生不能無所
愛。亦不能不寄心於所愛者。今爾之心。既不能不以
與人。不能無所歸附。何不歸附於耶穌。且爾心乃天
主所造。則更有何人。可比天主耶穌。當占爾心乎。世




俗得爾之心。欲變之爲地獄。耶穌得爾之心。今世即
變之爲天堂。汝將何所擇乎。吁。吾主耶穌。我心既屬
爾物。我今交還於爾。我又恨不能操衆心之權。使之
盡歸附於爾也。若得如此。實我所願也。


宜行之德。每年酌定一主日。每月酌定一日。專心
致志。遵行避靜神功。以補爾靈魂之氣力。此乃救靈
魂齊全自己。極妙之法。亦乃入居耶穌聖心。極穩之
法也。聖經曰。我將攜彼善靈。於靜密之處。與之談心
焉。吁。此誠甘飴之優遊。能得無窮之妙趣者也。




過爾等俱來此言可比無邊之大網。張於世海。以網
羅諸人。盡收於內。
爾等俱來。俱來。聖心之內。年幼者可來。主心至慈。慈
母愛子。不能比聖心愛爾之慈。年老者可來。主將復
爾韶華英年。迅速若鷹揚。義人可來。隱於主心。能於
德行之途。駁駁上達。罪人可來。主心慈聖之恩波。洗
爾罪污。夫罪人者。乃更多辜負聖佑者。乃更可哀憐。
更勸主慈。施以更寬之恩。以驗經所云。罪惡貫盈之
處。主更充以慈恩者也。嗟乎罪靈。爾勞疲於罪惡之



途。困於憂患之境。將失望而憂疑曰。天主已永遠棄
我。忘我矣。噫。勿驚慌也。爾可細聽吾主默示。聖婦安
日辣之言曰。凡吾子女得罪。背棄我國。投為魔鬼之
奴。痛悔而復來歸者。必蒙收納。且因其來歸。我心甚
樂。往往賞彼格外之恩。超過無罪之人也。爾知其故
乎。一因天主憐愛罪人之情。實乃無限。一因罪人禍
患之深。更動主慈。一因罪人之慘悔。自認得罪。至尊
至善之主。不應得主慈恩。理當受罰下地獄。而自謙
也。為此緣故。是以犯罪更多者。更得主憐愛也。爾聞




此言尙何憂疑。而不速歸乎。吁。耶穌聖心。我何時方
得隨爾仁慈之招。何時始聽爾聖愛之聲。何時始愛
爾耶。
聖奧斯定曰。人世之交。若能忠信。至死不變。且以爲
友。捐軀爲榮。可稱純全之交情矣。今吾主之聖心。爲
我生時。死時。死後之忠友。因其以永福。酬愛己之人
也。故爾當於衆友之中。擇吾主耶穌。爲爾第一忠友。
爾到死日。世物皆要離爾。惟耶穌之聖心。決不失信
於爾。雖世上至厚之友。亦將捨爾棄爾。惟吾主聖心。




不忍棄爾。且爾臨終之際。與仇魔交戰時。惟耶穌必助爾。能救爾於地獄醜魔之強力。拚拚咆哮之獠口。不令其吞爾於斷息之時也。


宜行之德。勤救煉靈。最能安慰耶穌垂心之法。人皆易取用之法。即是盡力救拔煉獄靈魂。凡望彌撒得大赦。代煉靈祈主。以及各樣微小之善工。為煉靈而作者。皆屬救拔煉靈之善法。耶穌甚願將己之功勞。合於此等善工。因吾主切望救拔煉靈。只礙於公義。似乎必待爾求之阻之。令緩其公義。而施仁慈。



於彼等也。
熱心短誦。吁。耶穌聖心。祈賜煉靈以永安。
第十六日。論如何入居耶穌聖心之內。
欲入耶穌聖心之內。第一。當有痛悔補贖之意。慟哭
爾罪。以求赦宥。以謙悔之心。同聖多默宗徒叩拜曰。
吾真主。吾恩主。我獨一之仰望。求爾容我。在爾聖心
傷中。尋覓治我傷痛之方。又容我手。探爾肋傷之孔。
不爲驗爾復活真否。特爲捫爾炎烈之聖心。炙熱我
手。以之撫我冷心。變化歸於熱切。慘悔我之罪惡。痛




恨我之無良。勉力以愛主也。吁。無限聖善之心。爾極
愛明潔無疵之純淨。不容絲毫之玷污。求爾以聖畏
之情。印刻我心。雖微小之罪愆。亦令我深惡而痛絕
之。吁。苦痛慘悔之聖心。爾代眾被擄者。出納贖罪之
價。求爾賜我脫離罪惡之繯。總改除習慣之毛病。尅
制我之諸司。又以痛悔補贖。補償我所竊取爾之光
榮。凡能如此謙遜祈求者。必能動聖心之憐憫也。夫
吾人乃受造之微物。叛逆之虛無。有靈之糞土。恒造
罪惡。輕主慢主。主尙容之俟之。今若定心改悔。一點




真謙即可動主之慈。盡忘人無情無義之罪。此乃決
無可疑者也。


第二該存倚靠之心。信其必能將爾一切憂愁苦患。
俱沉沒於甘飴慈善之深淵。夫爾既係罪人。更當感
發爾倚望靈心之情。因耶穌降世不為義人。乃特為
罪人而來。故喜居於罪人之中。而稱為罪人之友。接
納罪人而抱持之。痛哭之。且謂天主天神。見一罪人
悔罪。其喜勝於見九十九義人之無必悔者。故爾於
顛仆之後。若果發真誠望主之心。難言是何等榮主




悅主也。耶穌親示於聖女日爾都德。以爲此等倚望。如快活之刃。以刺其心。不能不憐愛而助佑之也。耶穌曰。凡被誘惑之攻。而堅心倚靠。求我助佑者。其招我寵愛。致我欣然。自謂曰。我可愛者。純潔如鴿。獨一無二。誠選於千萬之中者也。孀然一顧。遂奪我心。夫其爲我所愛如此。我若不得助之。則我聖心之苦。將令天國諸樂。亦不能慰我憂矣。所謂可愛者。以願盼奪我之心。即其堅心靠我。毫不轉移之切望。確知我於諸事之上。皆能助之。且願助之也。此等倚望之




強力逼迫我慈。使我不能離棄其人也。
第三。當具靜默祈禱之德。以躲避俗務之煩囂。在此
靜處。耶穌收爾於蔭庇之下。欣然就爾。與爾談心。亦
如向聖女日爾都德之言曰。爾目宜專注於我。爾靈
諸司。當全用於我。以享吾聖愛之甘飴。耶穌聖心。招
爾於僻靜之處。如當日招宗徒等曰。爾等來曠野靜
處。稍息爾勞。是以汝當入於幽靜之處。遠離世俗之
塵氛。亦如可愛之徒。倒憩於主懷恬然安息也。噫。在
此靜處。速能補得精神氣力。學得許多真實妙理焉。




宜行之德。良善心謙。耶穌聖訓曰。宜法于。予良善
而心謙。汝聞此訓。不止千百次矣。恐爾尙未全明其
義。故當求主。賜爾明之。謙良二德。乃吾主自聖心中。
特意提出以訓我人者。我等若不定志。勉學此德。而
實踐於行。則不得爲耶穌之真徒。亦不得爲熱心敬
禮聖心之人。因聖奧斯定曰。敬德之歸結。在法其所
敬者是也。
熱心短誦。吁。耶穌聖心之愛。知爾愛爾者。何其少
也。求爾開明人心。使皆知爾愛爾。




第十七日。論人靈不拘何處境遇。耶穌聖心。恒
乃良方。
耶穌聖心。乃充盈之府庫。上智之深淵。於此深淵內。
可得治爾靈魂一切病症之良方。然此聖心。更爲聖
愛之淵。一切諸愛。皆宜歸於此淵。而自私之偏愛。更
宜沉溺於此淵。蓋私愛發生無數之惡苗。如順從俗
人情面。貪高位。愛歡娛。皆是也。在此聖愛深淵明鏡
中。照見爾一切之偏僻。庶幾依爾所在之地步。可得
一切急需之聖佑也。




聖瑪爾加理大曰。若爾落於枯乾無味。懈怠無力之淵。可急入於吾主聖心之淵。此乃德能熱切之淵也。然不必急急求聖愛之濃味。任其何時賜爾可也。若爾轉輾於窘困憂患之淵。則聖心爲全能神慰之淵。爾可入於聖心。自可解也。若落於窮乏之淵。赤貧如洗。可投入耶穌聖心。彼乃珍寶之洪海。任其隨意安置爾事。必將富足爾靈也。若爾陷於軟弱顛仆於舊罪之淵。可投入耶穌聖心。彼乃仁慈德能之深淵。必然提拔爾。堅固爾也。若覺得自尊自重之傲念。據占




爾心當速投入耶穌聖心。因耶穌聖心乃謙德之深淵。最能沉沒傲念也。若爾落於昏愚暗冥之深淵。耶穌聖心爲上智光明之深淵。當投入於彼。求能愛主。求能翕合主旨之寔學。而別無他望焉。若爾落於不忠不恒之淵。耶穌聖心乃恒久忠信之深淵。可投於彼。必得恒心之愛德。以愛同人。施之以恩也。爾若落於死亡之淵。投入耶穌聖心之內。即得生活之淵。且此生活乃一新生。以耶穌之目而視。以耶穌之口舌而言。以耶穌之行而行。以耶穌之心爲心也。爾若落




於驚慌恐懼之淵。耶穌聖心乃倚望聖愛之深淵可
投奔聖心。則知聖愛能除驚懼也。末復囑爾時時事
事處處皆當置爾於此聖愛之火海。若不得聖心愛
主愛人之火。炙熱爾心。則永勿出也。
宜行之德。堅望爾之偏向雖猛。爾之罪過雖大。亦
不可灰心喪志。當思有耶聖心之功勞。隨意可用。以
補爾缺。不拘何等罪大惡極之人。耶穌聖心皆肯收
納。爾當投奔於彼。而向之曰。吁。吾主耶穌。我於罪惡
之淵。呼爾仁慈之淵。大洋之水。滅一星之火。其速其




易。未若吾主聖心之慈。除滅爾罪之速也。
熱心短誦。吁。耶穌聖心。爾乃我諸難中之倚望。
第十八日。論耶穌聖心在山園憂悶至死。
耶穌預知爲人類將受之苦。此預知之苦。誠可謂一
生恒負之十字架。不斷之致命。而山園祈禱之時。將
一切應受諸苦。盡擺列於明悟。全聚於聖心中。以負
其重。以嘗其苦。乃其更苦更痛之時也。熱切恭敬聖
心者。每日當於此處。默想吾主聖心之愛。而衡量其
廣大。吾主在山園時。乃其聖心臨終致命之刻也。受




難時聖身所受有形之苦。藉以遂愛其人之情。猶似
輕其內苦。在山園所受之苦。乃無聊無慰之極苦。凡
可輕其苦痛之念。一概拒絕而不納。聖詠所謂我靈
憂甚。不受勸慰是也。試思吾主於此慘苦之臨終。所
受者係何等之苦。其聖心第一大苦是痛惜其聖父
也。天主聖父極愛世人。致將其最心愛之聖子。賜於
吾人。且付之於極慘極痛之死。以救犯罪之人。如此
驚動神聖之奇愛。何人曾細想乎。何人曾盡力圖報
乎。




世之爲父者。無可比天主聖父之其愛聖子者。亦無
爲子者。而具愛父之心。如聖子之愛其聖父者。故耶
蘇在山園。憂悶至死之頃。極痛聖父難明之至愛。被
人之無情無義所辱。且以無數罪惡。酌報聖父無限
之愛。此實耶穌聖心第一大苦也。其聖心第二大苦。
是憐憫聖母之苦痛也。耶穌受難時。凡其所受之苦
刑侮辱。聖母皆受之於心。經云。聖子懸於架。痛苦之
母。兩眼淚流。依依立於架旁。何其悲也。人之常情。凡
見所愛者痛楚悲傷。且知因己而傷。則己心之痛。慘



於致命矣。聖子臨終之頃。明知聖母不可名言之痛苦。遂以相憐之情。將其苦加於己苦之上。收而納之於心。以全受之。其苦為何如也。爾今細思。吾主為爾所受之苦。如許重。多求主將其聖心苦海之一滴。注於爾心。使爾嘗得吾主之苦。為何如。亦當為主承受一切諸苦。勇作一切善功。以報主如此之大愛也。宜行之德。耶穌與聖瑪爾加理大。所定恭敬聖心之工內。有今所稱為聖晷之工課者。主語之曰。我願爾於每瞻禮五入瞻禮六之夜間。從子初至子正。俱




作默想工夫。與我分受山園祈禱時之憂悶。以息我
相反罪人之義怒。以稍輕我彼時被捨棄之苦。其苦
令我實不能忍。故責我徒曰。竟弗克同予寤半晷乎。
耶穌顯示之言如此。爾若年老。或患病。或長上不准。
不能遵行此極有大益之工課。然能發一欲行之願。
即是每贈禮五晚間。將衆熱心行此工者之默禱。獻
於天主。以補爾不能遵行之缺。又求護守天神。在耶
穌聖心之前。代爾祈禱。此等之願。爾不能推辭不能
發也。




熱心短誦。吁。耶穌聖心。因我罪人。山園滿其憂悶。
第十九日。仍論耶穌聖心山園憂苦。
聖女瑪爾加理大。一日默想耶穌在山園。臨終之憂悶。耶穌顯現謂之曰。我在山園。心中所受之內苦。遠勝於我受難時。一切之痛楚。視我為天上地下之所棄。止我一人。全擔普世衆人之罪。現於吾聖父純聖之前。聖父之公義。微罪必罰。不看顧我之無罪。將其聖怒。全洩於我一身。而挫折我。令我盡飲苦膽之爵。以補償其公義。似忘其慈父之名。必欲置我於死。以

耶穌聖心聖月


五十五



息其怒。嗟乎。一切受造之物。皆不能明我。此時爲人
類所受之慘痛也。
故耶穌聖心。第三大苦。是自憐自悲之苦也。夫苦之
未至。而焦愁恐懼以俟之。其情更慘於實受。故耶穌
在山園之際。許受難時所受之苦。一齊先到其心。所
有羞辱痛苦之情景。盡列於明司之中。亦似欲於聖
身未受之前。先以聖心細嘗其痛苦之滋味也。凡釘
鎖十字。鞭茨醋膽。唾面掌嘴。敝袍茨冠。戲侮之權杖。
仇人之賤辱。親人之捨棄。茹達斯之負賣。伯多祿之




背棄耶穌於山園。皆預先見之。而預先安心受之矣。
聖心第四大苦。是憐憫人類之苦。耶穌極愛人類。聖
婦安日辣曰。吾主總憂人類之喪亡。猶爲未足。更分
而一一憐憫之。不惟總痛衆人之罪。且分而一一痛
哭之。每人已犯將犯之罪。大罪小罪。各依其輕重。俱
崩裂吾主之聖心也。我輩不拘係何等人。或爲義人。
或爲罪人。各以其苦患之分。積累於吾主慈憫之心
中。令吾主憂悶欲絕是也。故欲明吾主將終之聖心。
所受怖怯憂鬱之大。當細算已往將來以至世終之




人數。及其罪惡苦患衆多且大之數。再細衡量聖心。憐愛人靈之熱切。及其盡救普衆靈魂肉身之切望。始可知其梗概也。

諸如此等不可言傳之苦。四面圍攻耶穌之聖心。致令其肝腸寸裂。爾不聞耶穌呼歎之言乎。曰。吾靈憂甚至死。父。爾能全。倘可免于飲斯爵。請。請。又不見耶穌被棄於聖父。怖怯憂鬱。至於此極。於未受刑役之釘茨鞭笞。先因憂愛二情之猛。已令其血汗遍體。流注至地乎。何故如此。無他。因耶穌聖心此處。所受之



苦已毫不亞於十字架上所受之苦也。又欲爲一切
遭憂患者親身立表。作其投奔之所。作其安慰也。噫
嘻。信友當日如德義人。見耶穌泣於辣匝祿之墓前。
共相訝曰。其愛彼竟如斯乎。爾今不惟見主涕零滿
面。且見主血汗遍體。以顯其愛爾。爾又何以爲言。何
以爲情乎。

爾可到臨終救世主之前。以爾之苦。比較其苦。若不
敢生此妄念。當求天主聖父。不棄爾之微賤。許爾代
天神之位。寬慰耶穌。陪之伴之。與之同寤。同禱。如耶




第二十日。論熱愛聖心者。俱樂默想耶穌苦難。

我罪。


熱心短誦。吁。耶穌以爾刺心之痛。穿透我心。以悔罪惡。都是耶穌山園祈禱時。置於目前。而深痛哭者也。

宜行之德。爾凡預備神工時。宜懇求耶穌聖心。收納爾心於彼心內。以分其痛哭爾罪之苦。因爾所犯。安心順受是也。

耶穌所囑曰。爾輩坐茲。同予禱禱。而耶穌憂悶之心。所




耶穌愛人之烈焰及其難以言傳之痛苦。沉其心於苦海之中。其切望救人靈魂之焦渴。以及天主愛人一切之奇蹟。若非救世主。親示以可捫可探之實據。誰能想及其事。又誰能深究確信哉。夫爲友赴難捐軀。乃眞愛極大之確據。經曰。爲友失命。未有大於此愛者。而耶穌聖心。以此憑據。已施於我輩矣。然此曾尙不足以盡之。耶穌非止爲友失命。且爲殺己之仇而失命矣。聖奧斯定曰。吾主若不愛仇。我輩中誰復可蒙其愛乎。我輩犯罪時。爲主之仇。主乃愛我。而欲




使我可稱爲其友。吾主爲我所受之苦難。及其聖死。乃其至愛之明徵。吾主欲我永不忘此遺念。故每日於彌撒大祭中。仍欲復新遺念也。熱愛聖心者。不能不樂想此難明之妙法。可欽可感之遺念。此乃耶穌聖心。因其大愛設出之法。以徵其愛於極頑梗之心也。

熱愛恭敬聖心者。不止該陪伴耶穌於山園之中。亦當追隨於兵卒之間。隨之於京都街衢。隨之於亞納。蓋法。比辣多。黑落德之衙署。隨之於鞭笞石柱之下。



尼加云。我切望人人皆以眞痛之心。及憐憫我苦之心。恭敬我之苦難。人若因此流一滴淚。即可自信其所作不少矣。蓋人之口舌。難以講明此一滴淚。如何慰我之深也。曾有天神。示於眞福者十字若望云。天主之尊。見人默想主苦而流淚。極樂其心。痛哭耶穌之苦。極悅其目。其看重此淚。如人爲彼致命而流血。或受極大之酷刑者同。


一日耶穌向聖婦安日辣云。凡欲得聖寵者。不拘處何境遇。或憂或喜。不可一時不注目於我十字架。凡




用心默想我之苦難。聖死者，乃我真子女也。其餘爲我子女者，皆有名無實者也。

宜行之德。按聖教所傳述，耶穌升天後，聖母每日往朝聖子聖血所染之處，宗徒等亦效其表，追後來之信友，無不勤於遊歷苦路者。今聖路善工之立，特爲滿不能親朝聖地者之願也。教宗等頒賜許多恩赦，爾當勤行聖路善工，而於聖教會，勸人記憶耶穌苦難之期，更當勤於遵行。


熱心短誦。我永不忘吾主之苦，我靈將以驚訝懷



感之切。至於疲憊焉。古經
第二十一日。論人心之薄情。
自建定聖體大禮以來。耶穌聖心。雖不受他傷。而所
受世人無情無義之侮辱。苦已甚矣。無數如德義之
人。無數異教之人。及不信天主之人。常辱耶穌。而傷
其聖心。至今千有餘年。以至世末而後已。所受之辱。
有難設想者矣。更可傷者。即是名為教友。而亦如此
辱主者也。經曰。物爾朋己居吾內。蓋耶穌不但欲居
於人間。且欲居於人心。其不可名言之聖愛。竟致親




有形之堂。雖不得鋪陳華麗之美。或於人心之中。得其慇懃款待。猶可以自慰也。誰知亦不得如是。爾晝夜獨處於聖臺之上。招請等候人來。而晝夜循環。日復一日。竟不見一人到堂望看。即有來者。亦不過了草塞責。盡其虛文故事。身雖在爾之前。心却離爾甚遠也。爾在聖體密蹟之內。時時想念吾人。時時在聖父台前。作為犧牲。為吾人祭獻。爾之苦難。而人在爾前。並無欽敬之意。甚至跪立不端。且令異教之人。雖不信爾。真在聖體中者。亦譏諷其怠慢。彌撒中鐸德



送聖體時。耶穌自呈自獻。以甘飴之言。招請人曰。吾衆愛友。來食且飲。以我豐宴。酣暢爾輩。食吾豐饌。飲我醇酒。而人聞此語。皆退縮不前。一如無傷可療。無垢可除。不屑赴其神筵。辭以別有招請者。別有好友當交也。吁。慈善慷慨。愛我之耶穌。我輩傷爾聖心。還有更慘於此者乎。乃我似聞主聲曰。我切望我所愛之人。或有來憫我痛者。而竟未得其人。望有來慰我憂者。而竟無人肯來也。


宜行之德。爾靈乃天主所選之城池。其恩惠之多。



如不盡之長江。環繞而澆灌之。在世之時。爾所能知者。不過萬中之一耳。夫感恩報德。既係熱愛聖心之一大記號。爾當每日。感謝所受於主之恩。即他人生活於主恩。而不知感。且以其恩而得罪天主者。爾亦當代為感謝。蓋知恩報本。乃承新恩之善法。辜恩負義。乃杜塞恩惠源泉之由也。


熱心短誦。我何以謝主恩乎。我惟獻其聖子耶穌之心於彼。庶可以酌其恩愛也。

第二十二日。論耶穌聖心之怨嘆。




耶穌聖心聖月


我輩可細聽。耶穌聖心怨歎於我輩之言。夫此怨歎。又係愛我之確據。若不愛我輩。又何屑向我輩怨歎哉。且耶穌之愛我輩。全爲我輩之利益。非爲己私也。我輩之或升或墜。豈能增減主福之毫末哉。主怨於吾人曰。我之信衆。我爲爾所宜行者。更有何事未行乎。我何處曾苦虐爾乎。可爲我言之。萬民之衆。我皆任其坐於幽冥之中。沉淪於永死之幽谷。特選爾曹。使得信德無價之寶。爾却埋沒此寶。於爾忽畧怠慢之心。中。不令其茁秀成實。爾乃我親手所栽之葡萄




林。原望爾結佳實爾所結者。惟苦口之野果。因我渴
時。爾乃飲我以醋也。又以爾之負恩冷情傷我。更勝
於利戟穿我之肋也。我爲爾流盡我血。一滴不遺。爾
如何視之乎。曾以我血。得何益乎。我招爾同享吾國。
同分吾產。爾乃使我手執竹竿。以當權杖。頭戴茨籬。
以當冕旒。即是以爾懦弱無恒。或傲滿誇大。得罪於
我也。我結合人性。高舉爾得分天主之性。爾以爾罪。
高懸我於十字架上。我養育爾。不以瑪納。因爾先祖
雖食瑪納。仍皆死亡。我乃以自天降來之神糧。自含




永生之飴味。養爾餽爾。爾乃將此天神共驚之奇恩。背而不信。甘爲異教之徒。離析我寓義之身。裂壞我一之聖教會也。嗟乎。通衢過路之衆。試留神細看。曾有痛苦。如我聖心。受人如此負情之痛苦者乎。救世主。又曾親發怨歎之言於其忠信之婢瑪爾加。理大。開胸露其聖心曰。此即我愛人至極之心也。爲愛世人。萬苦不辭。以至流盡聖血。喪我生命。然而多人。不惟不感我恩。反於我聖愛密蹟之中。侮辱我。輕慢我。冒領我之聖體。或冷心以領。然我更難忍受者。




棄我。我何以堪其苦乎。吾主又曰。我之聖心。在聖體
密蹟內。亦可在十字架時。自歎爲一切羞辱苦痛
之所集。被遭被棄。毫無安慰。只有轉心向爾。與幾個
熱心善靈。望得些須安慰。望以爾等之敬頌愛慕。償
其所受之侮慢凌辱。噫。滿望我等今日。傾聽吾主怨
歎之聲。不忍狠心塞耳不聞也。噫。若得吾主聖心。簡
選我輩。爲其忠徒。於無數負恩之人。遭之棄之際。
代償其缺。而慰主心。豈非我等之大榮大福哉。故當
於欽敬吾主聖心之功。加倍感懃。仗其聖佑之幫助。




誓不離棄吾主可也
宜行之德。惟此默想之功。能使爾知吾主聖心。愛
爾至於何極。及爾之負恩。至於何極也。知此兩端。自
能生出悔恨愛慕之情。且能加爾志氣。為主勇於行
善。故不可一日不作默想。至少一刻工夫。
熱心短誦。吁。耶穌聖心。求爾顯大靈奇。令我至極
辜恩負義之心。變為聖愛極熱之心。
第二十三日。論恭敬聖心。宜行之工。
吾人一生在世。天主看聖子之功勞聖血。常施聖寵。




使我等可得永遠無窮之珍寶。可嘆吾人。每日因疎忽之故。失却許多珍寶。以致百行之中。大半因無純淨爲頭。失其貴重。故我等宜勉力。脫離此沉迷昏昧之地步。欲得百行有功。而極光榮天主。當用波羅削賢人所教之法。即是每日。將爾善工百行。獻於極甘極聖。吾主耶穌之心。求其煉之潔之。因其愛爾至極。常願將爾之善行。刮磨極淨。使能相稱。獻於彼也。有問於可敬之瑪爾加理大者。彼亦以此法答之。曰。若爾自恨奉事天主之懈怠。不能勇往直前。今有一法。



似乎來自天主。可依而行。即是將爾所作所爲。皆相
合於耶穌聖心。以爲起行之預備。以爲收結之補贖。
比如爾在默想中。不能想得什麼。可將耶穌在聖體
密蹟中。爲我輩所作之熱切默禱。獻於天主聖父。以
補爾之冷淡。每行一事。即向主曰。我之天主。我願在
爾聖子聖心之中。隨其爲頭終向。行此事。忍此苦。並
獻其終向於爾。以補我爲頭不純全之處。總而言之。
爾有所缺。可愛之聖心。皆代爾補足。因聖心代爾愛
主。爾之愛主。亦當靠聖心。用聖心以愛之也。昔聖女




苦以愛以求。以勞以忍也。更有進焉者。爾若偶犯過失。於謙卑痛悔之後。即奔入耶穌聖心。竟取相反之德。以敵爾之偏僻。如謙遜愛德。安心忍耐。恕人過失等德。獻於天主聖父。以贖爾罪。此乃欠債即還。簡便之法。且係趁得無數功勞之妙法也。聖女瑪爾加理大。常用此法。爾每落於罪過。即當效之。誠實奔赴聖心前曰。主。爾親見我所犯之罪。求爾代我貧乏罪人。補償其失。且於每日晚間。將一日諸行。皆置於吾主聖心之中。求其補足。浣潔諸污。諸缺焉。




多言及刺開耶穌聖肋之戟。似有嫉妒此戟之意。曰。
深明此意。故皆樂選耶穌聖心。以爲安宅。聖伯爾納
王之宮殿。不擇吾主聖心以居。又將何擇哉。聖人等
逃竄之人乎。耶穌聖心。實乃安美之居。遠勝人間帝
人雖至貧。莫不有託身之地。耶穌所謂飛鳥有巢。狐
亦有穴是也。我奉教人。可獨無安居之宅。甘爲世間

第二十四日。論諸聖人之熱愛耶穌聖心。

熱心短誦。吁。耶穌。爾之聖心。既賜於我。望其鑒觀
護衛我。於寤寐之際。



設使我爲此載。一入吾主聖心。誓不肯出矣。聖爾瑟
亞諸侯。寄書與童貞之妻。聖女德而斐納云。爾何時
欲與我聚會。可於吾主聖肋傷中尋覓。此乃我常居
之處也。耶斯博云。汝該習學。常居聖傷之內。飢則有
自天而降之瑪納。渴則有自天而降之活泉。流溢於
衆信友之心者也。且亦勿慮見棄不准。蓋天主聖子。
權愛敬己之人。無以加尙。其招請之慇懃。欲人人皆
如聖若望宗徒。倒憩其懷。暢飲於甘泉。以解其渴也。
聖伯爾納多云。我等齊赴耶穌之前。記憶其聖心。而




人愛其好友。若遠離而不得見。則觀其圖像。聊以自


第二十五日。論耶穌聖心像。

亦如爾等。認之愛之。自今至於無窮之世。
熱心短誦。噫。天上真福諸聖。爾等明見耶穌聖心。
愛之而無間。又無失之之可慮。求為轉祈天主。賜我


小也。
索問於汝也。如此傳教。雖無榮顯之名。而功勞却不
處。而更當善訓家人等。因天主後日。必以其靈魂。
蘇。至少能勸熟識之親友。使愛耶穌。此即爾傳教之



慰。佩其像於身。而屢親之視之。此人情也。熱心之耶
斯博。勸我等恭敬耶穌聖心之像。亦當如此而行。曰。
欲保存爾之熱心。當求得耶穌聖心像一幅。懸於敝
處。以便時時仰瞻。感發熱愛之情。亦屢口親聖像。如
得親耶穌聖心。一般熱切。神思中。可進居此天主聖
性之心。以爾心貼合彼心。以爾靈魂。置於其內。切望
融化於其中。吸取聖心之神。沾其恩。沐其德。總之。宜
令吾主聖心中。所存無量之恩。皆貫通於爾心。因吾
主聖心。乃萬善之源也。况聖教有訓我恭敬聖像之




端。上文所說之法。大有神益。亦深合聖教會所訓之
端。昔聖女德肋撒。曾謙樸自言曰。我之明悟昏劣。難
於擬想無形之事。故我極愛聖像。如俗人喜觀所愛
者之圖像也。惜乎多有不欲用此法。而失無窮之益
者。亦足見其無愛耶穌之心矣。果有愛主之心。安能
不以視主之像為欣悅哉。人若果知此舉。如何悅樂
熱耶穌。則不能不感發於心。而切恭敬耶穌聖心之
像矣。瑪爾加理大親述之事。可為據焉。聖女曰。我於
若望宗徒瞻禮日。領聖體後。得見吾主聖心。安於烈



敬其聖心內之聖情聖愛。願人遵照此形。繪畫爲像。懸於公處。以感動頑梗者之心。並許下將己聖心內。聖寵之寶藏。厚施於恭敬聖心聖像者。不拘何處。有懸此像而格外敬禮者。即蒙各種之降福也。我等可常佩帶耶穌聖心之像於胸前。凡誘感來攻。即毅然向魔叱曰。耶穌聖心同我在此。醜魔速退。


宜行之德。常佩耶穌聖心聖牌。或聖像於身。誦經之處。亦宜懸掛此像。虔敬耶穌聖心。

熱心短誦。耶穌聖心。爲恭敬者之靈佑。求賜愛天



自己難免於禍矣。吾主耶穌在默照經書內。有言曰。因爾不冷不熱。我將吐棄爾矣。其意若曰。爾不稱生。活於我內。亦不稱入居我心。因爾恒以冷淡之情。報答我之熱愛。辦告解。而不改過。領聖體。而無所益。皆此怠惰之所致也。


第二阻擋。是自愛之私。夫聖經之訓。總括於棄絕自己。每日背負其十字。兩句而已。然此正多人不肯細思之端也。即有意修德者。亦只修其性情所好之德耳。如此之心。安能與吾主聖心相合耶。吾主心。全付




與人。一毫不留爲己用。故其所求者。亦係慷慨勇敢之心。不思前進。不懼深入。惟知向前。而不後退。並不知自私自吝者之心也。

第三阻擋。是所有爲首之毛病。而姑息不肯勇克者也。人雖盡改其毛病。若爲首者不改。則與吾主聖心。必不能相合。故當認真細察。還有何樣姑息之毛病。察出之後。即當慷慨獻於吾主聖心。奮勇克除。當知半割不斷之苦。更勝於一刀兩斷之難也。

第四阻擋。即是隱傲隱傲之情。每因修德而被愈猛。




修德路上。無有比此毛病。更能阻人前進。能由德行
之高位。推人落於怠惰之地步。且陷人於大罪之中。
從此隱傲。生弊多端。自喜自大。輕慢他人。與人不和。
嫉妬他人之善。設法褒貶。恒求榮顯於人前。所行善
功。如克苦哀矜。講道勸人。誦經默想。皆欲人人知道。
讚為有德熱心者。且託詞為樹立善表。以飾其隱傲。
尚自信為有德之人。其實所有者。不過皮殼而已。因
其隱傲。將其善功。盡化為烏有。所謂蛀虫雖小。蠹壞
參天之木是也。歷來多少鴻名博學之士。背棄真道。




而成異端之魁。禍及聖教而不止者。皆由於此也可不戒哉。况耶穌聖心。極謙遜。如此傲心之人。何能與之相合哉。故此病又一最大之阻也。


宜行之德。爾若願得敬愛耶穌聖心之真熱心。必須嚴自省察。果有上文所言宜除之阻礙否。最善之法。即是每日不缺省察工夫。欲妥行省察。當謹遵五條。一先謝天主所賜諸恩。二伏祈天主使認爾罪。而痛恨之。三嚴求諸己。所思所言所行。每時每刻。有何過失。四祈求天主。凡有所犯罪過。一切赦之。五誦天




主經一遍。或隨意選誦某經。以收結之。
熱心短誦。吁。耶穌聖心。求爾賜我謙遜熱切之心。
第二十七日。論克苦以除恭敬聖心之阻。
爾既察出。何者阻爾熱愛耶穌聖心。即當勇敢修內
外克苦之德。以勝之。此兩樣克苦。於修德乃最緊要
之端。而內克苦更爲緊要。無人可免。此即奪取天國
之強力也。每日之中。若不千次百次。狠攻己之偏向
私愛。決不能久活於信德之生命。因人在世之本分。
愛與恨而已。即是以全心之愛愛主。以有益之恨恨



己是也。
欲作恨己之行。時刻皆有機會。無人不得。或克己之本性。或克己之偏向。如動怒而欲爭之際。或逞能而欲言之時。皆能默而不言也。所云內克苦。正在此等事上用工夫。以此克苦。將自愛之私。挫之抑之。伏於正理之下。始能漸至齊全之地步。我輩若無此克苦。慎勿以能愛主。自信自欺可也。因一切熱心之工課。美妙之善情。離此克苦。皆屬可疑。有向聖依納爵。稱述某人如聖者。答曰。若真係自克者。則誠為聖矣。其




意正謂此也。夫一時一事之克已。猶爲不足。必須時時事事。隨智德之所指。常行自克。蓋本性之私欲。雖百次勝之。未必即伏。而一次放縱。即大加其猛力也。凡真心切望修德齊全自己者。莫不習用此克苦之工夫。亦無處不逢克己之機會。故一覺縱目欲觀。開口欲言之誘。彼即低頭下視。捫舌不言。或好打探新聞。查究過往何人。所言何事等情。皆爲彼等時時克己之機會。宜如此克苦。乃平常之德。人雖不覺。而天主獨知。功勞更大。如一句話說得對境。一戲言用得巧。




妙。人前自覺光彩。彼則捨而不發。皆成爲獻主最馨香之祭品。再如正有緊要忙迫之事。而旁人百次來攪。彼亦百次謙和忍耐。以接待之。一如閒暇無事者。至於居處之不便。氣候之寒暑。同侶之偏僻。皆克苦之機。能致大功。且豐厚之恩佑。崇高之聖德。多係於在此等煩瑣微小之機會。勇敢自克。而德行之真偽。亦於此見焉。

克己雖苦。然並非一主。全在愁苦之中。度日毫無懨懨樂之時也。因吾主之軛。原本甘飴。輕而易負。聖人等



欲得愛慕耶穌。及敬禮聖心之熱切。第一法是祈求。
各羅塞曰。可怪哉。信友之懶惰也。現有最穩最便之
法。可賴以成一切所願之事。其法即是求主。而乃尙
不肯用。豈非可怪乎。耶穌訓我等之事多矣。然從未
有如新許聽納我求之言。更爲頻數顯切者。主曰。爾
求則受。爾尋則得。爾叩門則開。至今爾輩未倚予名
以求。求則受。爾樂則滿。又曰。爾有所願。則求之。求則
得也。天主欲脫人於喪亡之深淵。天主聖神。先默啟

一法是善求。




不倦不懈恐我輩懈而止求之際正天主將允我求


今我輩可賴聖心以求。懷倚靠謙遜恒久之心以求。

哉。


云。我願吾聲。响若震。震驚寰宇。大呼於衆曰。求哉求
網羅之中。亦先誘人拋棄祈禱之工。故聖女德肋撒
亞納尼亞。一憑據曰。掃祿在彼祈禱。仇魔欲陷人於
祿已非謀害聖教之人。心已被化而爲信友矣。乃與
人。使知所求。此所求。即回頭之第一憑據也。主遣亞
納尼亞往視掃祿。亞納尼亞畏不敢往。吾主使知掃
亞納尼亞。一憑據曰。掃祿在彼祈禱。仇魔欲陷人於




之時也。聖老楞佐如斯弟益云。祈求能息天主之怒。以赦謙求之罪人。祈求能得諸恩。能勝害靈之仇。能滌罪人之污。使變為聖人。撒落滿云。吾方求主。主即賜我以智遠味。聖王曰。吾方啟口求主。立即蒙其助佑矣。吾主曾語聖婦彼理日大云。我所賜之恩。恒超過人之所求所望。人之祈求果能妥善。天主無不即時賜與也。然諸般祈求內。最妥善。更樂主心者。無可比求愛聖心之聖愛者。故當懇切以求此恩。未有恒求而不得者也。求得此恩之易。可謂其求。即其得。




也。用耶穌聖心以求。更勿憂其不蒙允准也。
聖女獸弟而德。將終之前曾爲託其代祈者。求一重
大之恩。吾主諭曰。吾女。可說與託爾代祈之人。彼所
求之恩。當於我聖心中尋覓必能得之。又勸勉其熱
切敬我聖心在此心中。求其所望之事。如孩提求父。
不知別法。惟以孺慕之誠。求其所欲之事而已。
宜行之德。神領聖體與耶穌密締神交。其樂主聖
心。未有可比者。按聖多瑪斯之論。神領聖體。即是以
熱切之情。切望領受吾主。如實領者。然此望此情畫




夜不拘何時。俱可發也。耶穌默示於聖女加大理納
瑟納。令知神領聖體何等悅樂其心。示以金銀二器。
曰。金器所盛者。實領聖體也。銀器所盛者。神領聖體也。
熱心短誦。吁。耶穌。因爾聖心之愛。求賜我愛爾。
第二十九日。論欲得敬愛聖心之熱心。第二法
是勤領聖體。
欽敬耶穌聖體。正是熱愛耶穌之實行。只須明白如
何謂之領聖體。則知再無別法。可比勤領聖體。更能
速使人熱愛耶穌聖心也。知識經書云。抱火而不焚




者。未之有也。聖伯爾納多解曰。可欽可敬之聖體。至大至聖之火也。聖體乃愛中之愛也。聖婦安日辣曰。人若細想聖體聖事之情。見己蒙主如此奇愛。則雖心冷如水。亦必化為感激愛慕之烈焰矣。是以我輩。俱當勤詣萬善之源。在彼處。與聖寵之源。吾主耶穌。合而為一。將見聖寵之流。涓涓不竭。日日常新。而傾注於我身也。將見我輩之私欲。日漸消弱。不久盡除也。前者向惡之偏情。不久變為好善慕德之情也。蓋吾主聖心。乃德善之聖所。而於聖體密



蹟中。示我以諸德之表也。此時目雖不見。而實懷存
天上之大寶。已得所許於善領聖體者。永遠真福之
據也。因凡已得耶穌者。則成聖救靈之寵佑。無所不
得也。故善領聖體之靈魂。皆能效聖女瑪達肋納巴西
之言曰。諸事完畢矣。蓋此天糧。包函萬美。將一切聖
寵神恩。及一切善德。皆置於人靈之內。善人得此大
恩。心滿意足。更別無可望者矣。嗟乎。我不求勤領聖
體。失去多多聖寵。誠可惜也。聖教初興之時。信眾每
日領聖體。何等信德。何等熱愛。令人難以言傳。而我




志氣。以克我等之毛病乎。豈非因去領聖體時。心向
全纏於世物。重視財帛榮名。及世俗之快樂乎。豈非
因緊閉心門。不納其聖愛之光照乎。豈非耶穌推心
置腹相待。我却推之於心門之外。拒而不納乎。蓋吾
主曾曰。惟伊懷予。予懷伊者。斯能結佳實而得益也。
是以我輩。於耶穌現在心內之時。當滿心堅信切望。
自投於主足下。懇切向主曰。主不降福於我。決不容
主去也。不賜聖寵。以克勝我難改之毛病。不賜我真
切之望德。無厭之愛情。不賜我為愛爾勇受苦勞之



心。不賜我時時事事。恒行爾之聖意。我即長跪不起也。我心既爲爾之聖殿。爾不陳設此心。以稱爾尊乃損爾之光榮也。爾既以爾賜我。更有何恩。不肯賜我乎。如此懇求。未有不得所求者也。


宜行之德。盡己所能。妥當預備。望得勤領聖體。且當謹記此大事之效。全係於領前之預備。領後之感。謝聖女德肋撒曾云。領聖體而不多得聖寵之故。由於不善用吾主現在我心之時刻也。吾主方入我心。我即轉背他向。馳意於分心之雜念。何能得益哉。




熱心短誦。噫。我何時得赴主前。何時得主降居我
心耶。聖詠

第三十日論欲得敬愛聖心之熱心。第三法是
朝拜聖體


至聖之聖體不但有益於領聖體之人。若朝拜耶穌
於聖體之中。仰之思之。心神向往供奉聖體之處。皆
能大得其神效。乃此許多大聖所常行者。聖理額畧。
更爲特出者焉。如此欽崇朝拜。最樂吾主之聖心。蓋
其可欽崇之聖心。在聖體聖事內。如不竭之泉。晝夜




流溢。惟求注於人心。洗滌而灌溉之。吾主親自招請
衆人。汲取活命之水。今在聖殿中。亦如當年。大瞻禮
日。如德義齊集之時。耶穌大聲呼喚。群衆曰。凡渴者。
皆來就我。暢飲可也。
然徧觀各聖堂之寂寞。可知此時之信友。亦如當時
如德義之人。不聽耶穌之呼喚也。然耶穌深望其前
選之人。善聽其聲。以補衆人之無情。因吾主於人欽
崇朝拜之際。恒多賜以恩寵。而恩寵之中。更樂施者。
即其聖愛之恩也。世人交友。愈多來往會晤。促膝談



心則交情愈厚。愛主之人。若能如此。愛主亦必更切。
凡爾信友。朝拜聖體時。與吾主談論。當如孩提之與
父母。貞婦之與良人也。有時陳述爾靈魂之病苦。曰。
爾所愛者病矣。有時謝其恩寵。曰。吾靈讚主。我之一
切內外諸有。俱讚主之聖名。有時頌其美善。曰。義辣
厄爾之天主。何其善也。有時稱揚其聖愛。曰。吁。吾主
聖心。爲我被傷。爲我疲憊。我將何言以謝也。有時自
卑自抑。曰。我雖塵埃糞土。敢敬與主言談。或以神心。
入於聖體櫃中。作爾安居之處。如聖婦瑪大肋納。伏




俯耶穌足下。以淚濯其聖足。以口親其聖手。或同可
愛宗徒倒懸於主懷。與主結定誓約。除聖心之外。今
世後世。永不覓他處居住也。
往拜聖體。不可推辭無暇。不能多夫。汝為談論無益
之事。時常失却許多工夫。今為拜望耶穌。反不得幾
分之空閒乎。倘能每日。只用五分工夫。與吾主在聖
體密蹟內。談論交遊。亦可大悅主心。而滿其切望也。
噫。恐爾所居之處。本係與主同宅。欲往叩拜。不過舉
步之勞。而汝尚不肯受此微勞。畧顯爾知恩報本之




情。豈非異事。况吾主常以殊恩。報爾微勞。不令爾無
益空回也。有修士曾曰。過友人之門。且近爲比隣。竟
不入與一言。豈禮耶哉。

宜行之德。若爾所居之處。供有聖體。當定志。不令
一日空過。必數次朝拜吾主於聖體密蹟之內。若離
供聖體處稍遠。亦當每日至少一次。進堂朝拜。朝拜
時。當以格外恭敬。耶穌聖心爲先。以補冷落。慢待耶
穌者。及阻擋傳播恭敬聖心者之過犯。


熱心短誦。吁。我之耶穌。我之天主。我朝拜爾於聖



體聖事之內。
第三十一日。論欲得敬愛耶穌聖心。第四法是
熱心恭敬聖母無玷聖心。
童貞聖母瑪利亞。乃全美愛德之聖母也。欲求熾熱已
心者。須赴聖母前求之。耶穌聖母二聖心。極其相似。
極其相連。最能互相引我。以迭愛二聖心也。所有之
分別。不過是耶穌聖心。更寵愛潔淨之靈。而聖母聖
心。則更憐憫有罪之靈。以其轉求所得之恩。多用以
洗滌污穢之靈。使能入於耶穌聖心之內。因聖母乃




罪人之託。憂苦之慰。普世急難者之救濟也。凡不愛
此慈母者。難望入居耶穌聖心之中也。
聖女日爾都德。一日熱切虔誦申爾福。誦至聊亦迴
目。憐視我衆。聖母忽現。懷抱嬰兒耶穌。指耶穌之目
而言曰。此即憐視爾衆之目也。凡求我者。我能隨意
轉我聖子之目。使憐視之也。故我等若存虔切之情。
以愛聖母。不久便可熏炙我等之心。同歸於熱。以愛
其聖子耶穌。此即聖母。酌報敬己者。最大之恩賞也。
再者。投奔仁慈聖母。亦非難事。因聖母說過自己。常




先迎接求見之人而現於其前也。然則吾人愛而事之。實係聖母先自引我等。令至其前。得其所存天主之聖寵。以富吾靈。蓋耶穌聖心。欲施之恩。皆須經過聖母之手故也。

吾人投奔聖母。更當投奔其聖心。因其聖心。乃耶穌聖心之肖像。刻不相離。時時均分耶穌聖心之志意。分其樂。分其勞。分其痛苦。分其愛我之愛也。欲尋覓耶穌者。離聖母不可得。尋覓聖母者。離耶穌亦不可得。經云。入室見孩。偕瑪利亞厥母。即此言之徵也。祈




求聖母。尤當因其無原罪之始胎求之。此乃聖母最
悅心之殊寵。用此名以求恩於聖母。未有不得者。我
等熱心恭敬耶穌聖心。總勿離聖母聖心。將一切諸
有盡獻於可愛之二聖心。藉耶穌之聖心。以求天主
聖父。藉聖母之聖心。以求吾主耶穌。如此。則因聖母
而全得所求於耶穌者。因耶穌而全得所求於天主
聖父者也。


吁。瑪利亞。聖寵之母。求爾憐視我等於此涕泣之谷。
視我所受之患難憂愁。轉求爾聖子耶穌。開其聖心。




將我之憂苦皆納於其聖心而化之。
宜行之德。凡與彌撒當將聖母在十字架旁之心
情獻於吾主聖心。凡領聖體亦當將耶穌降孕時。聖
母所存之心意及其懽忻之聖樂獻於吾主聖心。此
乃耶穌親示於聖女瑪爾加理大之式。必能大悅主
心。且與彌撒領聖體乃神修重大之條。遵行之際。所
犯一切冷淡懈怠之過。俱可以此法補救其缺。
熱心短誦。吁。瑪利亞。與耶穌聖心。同心同聖。求賜
愛耶穌之愛。以熱我心。




第三十二日論欲得熱切敬愛耶穌聖心。第五
法是熱切恭敬大聖若瑟聖史若望。與聖類思
公撒各。
夫在天之聖。最願以己特著之德。及曾助己救靈成
聖之妙法。轉求天主。賜於敬己之人。此無可疑者也。
前已說過。歷來聖人。無不熱切敬愛耶穌聖心者。今
特指明數位在世敬愛耶穌聖心。知之更明。行之更
切。如今在天。以其轉達。更易使我等。得敬愛耶穌聖
心之恩者。第一乃大聖若瑟也。聖人蒙天主異寵。曾



得抱持奉事耶穌三十年之久。與耶穌同起同居。隱
晦於納匝肋郡。緘默祈禱。以度生命。除聖母之外。實
爲耶穌第一寵愛之大聖。而得深知其聖心。所蘊藏
之妙者也。爾欲認識敬愛耶穌聖心。可往求於大聖
若瑟。因耶穌既愛彼。奉爲鞠養之父。必將心中之奇
恩異寶。皆付於彼。任其施於熱心敬彼者也。
大聖若瑟之後。又有耶穌愛徒聖史若望。此聖宗徒。
於晚餐之際。倒懸主懷。歛契聖心。首先得其中之秘
情。吾主懸於十字架時。衆徒皆散。獨聖人隨聖母。親




蘇之聖愛者。此等短誦。猶如火箭。直達耶穌聖心。且
可補一切神功內之缺失者也。
熱心短誦。吁。耶穌聖心。誰能使我獨愛爾耶。
第三十三日。論耶穌聖心。極願人熱切傳播敬
愛聖心之善工。
人雖自己熱心敬禮耶穌聖心。猶為不足。必須竭力
傳播此善工。爾若果有愛主之心。則此事並不難行。
因熱切之德。乃愛德的真憑據。故聖奧斯定曰。無熱
切者。必無愛也。




皆知祈禱之能力。最動天主之心。是以口中講勸猶
爲不足。而必加以祈禱之功。蓋皆有悟於聖保祿宗
徒之言曰。栽培者力無幾何。澆灌者功不足誇。使之
苗秀結實者。惟天主之力也。

相傳耶穌會中一鐸德。每將講道。必先用三點鐘工
夫。熱心痛哭祈禱。然後升座。更有一服役之會友。以
管門爲職。而勸化多人。或問其何法得致此效。答曰。
我未向人說一句話。先向天主說百句矣。我輩果能
如此而行。必得所欲之效。故當勉力恒求。曾有盛德



此以後。我每日俱以此法收結。我一日之工課。每日亦得格外之殊恩焉。

聖瑪爾加理大云。我曾見多人之名。印於耶穌聖心之內。且永不磨滅。因彼等皆曾切願他人。愛慕恭敬耶穌聖心故也。然當知道我等之熱切。該有明智相幫。方可有益。瑪爾加理大曰。天主之事。與世俗事。大不相同。辦世俗事。若欲其成。必須多作多爲。辦天主之事。則不然。惟當隨天主之默照。讓天主聖寵先行。我等竭力謹隨於後。不可越而過之也。所以勸人敬



總結

無窮之世。

熱心短誦。

吁。耶穌聖心。願爾恒受光榮讚頌。至於

以散於衆。我輩於聖事。反不能如彼耶。

試看惡人。或異教人。常有錢財。刷印傷風敗俗之書。

論聖心之小書。或聖心聖牌。分散於四外。以廣其傳。

宜行之德。倘若爾有貼己之錢。當用一分。為買講

入於天主所選之心內可也。

愛耶穌聖心。當以愛德之溫和。徐徐誘引。使此熱心。

